

乾隆杭州府志

杭州府志卷二十九

寺觀二

錢塘縣上

勅賜聖因寺 在孤山之南面明聖湖羣山環拱萬井東連隴全湖之勝

國朝康熙四十六年

聖祖仁皇帝南巡幸浙臣民欣忭遂于斯地恭建行宮雍正五年巡撫李衛奏稱西湖

行宮曾經

聖祖臨幸今則開設湖濱無以展誠敬之思想請

欽定嘉名

御書扁額延請高僧焚修頌祝本年八月

御書寺額曰聖因寺于萬歲樓上恭設

聖祖仁皇帝神御爲萬世臣民瞻禮之所雍正十一年

欽命悟修禪師明慧來主方丈焚修之徒至者日衆寶刹名蓋直

與鷲嶺龍宮永壽于天壤間矣

西湖志

十二年

御書匾額奉懸大殿

浙江通志

乾隆十六年二十二年二十七年三十

年四十五年四十九年

皇上南巡

御題詩章匾聯恭紀卷首

南巡盛

典

勅賜雲林禪寺

在北高峯下舊名靈隱寺

西湖志

晉咸和元年僧

慧理創建山門榜曰絕勝覺場相傳葛洪所書

舊志

正殿曰

覺皇殿唐會昌廢教寺毀後稍稍興復規制未宏吳越錢氏命僧延壽開拓建經幢于寺門左右宋景德四年寺額增景德二字高孝兩朝屢幸號禪院五山之第二山元明興廢不常今寺則

國朝順治時僧宏禮所重建也

西湖志

內有天王殿轉藏殿伽藍

殿羅漢殿金光明殿大悲殿法堂方丈直指堂南鑑堂聯登閣華嚴閣青蓮閣梵香閣玉樹林法壽堂萬竹樓鐘樓普同塔康熙二十八年

聖祖仁皇帝南巡

勅賜名雲林寺三十八年

賜金佛一尊香金五百兩及

御書禪門法紀額對一聯四十二年賜

御書金剛經一卷心經一卷

雲林寺志

乾隆十六年

御題覺皇殿曰鶯嶺龍宮直指堂曰涌翠披雲

西湖志纂

二十二年

二十七年三十年四十五年四十九年

皇上南巡

御題詩章匾聯恭紀卷首

南巡盛典

羅處約重修虎林山靈隱寺碑記斗牛之下有郡曰錢塘浙水之右有山曰武林居山之寺曰靈隱其得境之勝地

乎觀其羣山環倚一峯中斷平湖鑑物洪濤駭人雲生若
趨不怪欲語陸羽記東晉咸和初有梵僧慧理由天竺而
至嘆曰茲山鑒鸞之一峯耳何代飛來乎所攜白猿復識
其處睨彼故地同乎新豐由是布金其田寶新其利憇蓮
峯之石翻貝葉之文洞深有天岩垂爲室晉宋以降賢能
迭居碑殘簡文之詞勝盡雅川之字五運之季國霸爲錢
雲構之規則又過矣綉桷畫拱霞帶于九霄藻石雕楹花
垂于四照修廊重復潛奔漱玉之泉飛閣岩巖下瞰垂珠
之樹風鐸觸鈞天之樂花鬘搜陸海之珍有若碧樹芳枝
春榮冬茂翠嵐清嶺朝融夕凝呼猿風聞臥龍石老會漢
南王籍彼土宇歸我昌期雍熙之二載郡之四衆請月禪
師爲之首師印可禪那深得其髓越明年僕自蘇臺抵杭
郡月禪師禪文其事因不自揆而書之張翰重修靈隱
寺碑記吾杭自錢氏有國南宋建都兩山諸刹依然勝槩
其間勅于先朝如虎林山之靈隱寺尤爲冠絕東晉咸和
梵僧慧理建折而兩之東靈鷲西靈隱宋景德四年復合
爲一啟覺皇殿彌勒閣高宗駐蹕數臨幸賜金額莊田以
後興廢靡常迨洪武中住持惠明恢復如舊永樂初善才
增塑三世金身宣德間災住持良升重建隆慶三年復燬
雷火止餘直指一堂時海寇紛擾寺僧德明等圖復力不

瞻萬歷壬午陸司寇光祖知僧如通足任斯役令僧衆亟
迎比至首築壇趺坐其上說楞嚴法華諸經遠邇諦聽罔
不來助于是棟梁榱桷之材斃初礫漫之石金獲丹至之
飾覆墊磚甃之需智士運謀壯夫輸力不三數年大覺殿
巍然中峙就彌勒閣舊址爲轉藏殿後爲直指堂又後爲
方丈左爲妙應閣右爲選佛齋壯麗周匝雅飭莊嚴數十
年瓦礫之場輪奐一新落成之日宜記其本末以垂永久
僧衆相率詣余余遂次第其事系之銘宋理宗靈隱千
佛贊一佛不二千佛矣別如處處水現在在月無去無來
不生不滅梅花開時前村深雪宋之問靈隱詩鸞嶺鬱
岩峩龍宮鎮寂寥樓觀滄海日門對浙江潮桂子月中落
天香雲外飄門蘿登塔遠刻木取泉通霜薄花更發冰輕
葉未凋風齡尚遐異搜討滌煩囂待入天台路看予渡石
橋紫毋潛靈隱寺詩招提此山頂下界不相聞塔影挂
清溪鐘聲和白雲觀空淨室掩行道衆相聞且駐西來駕
人天口未噤張祐題靈隱寺詩峯巒開一掌朱檻幾環
延佛地花分界僧房竹引泉五更樓下月十里郭中烟後
塔聳庭後前山橫閣前溪沙涵水靜澗日點苔鮮好是呼
猿久西巖聲響連白岩易靈隱寺紅辛夷花詩紫粉筆
含尖火餓紅胭脂染小蓮花芳清香思知多少惱得山僧

梅出家司空曙靈隱寺詩青山古寺繞烟波石磴盤空
鳥道過百尺金身開鑿壁高龕燈焰隔烟蘿雲生客路侵
衣濕花落僧房覆地多不與方袍同結足下歸塵世竟如
何蘇軾立秋日禱雨宿靈隱同周徐二令詩百重堆案
聳身開一葉秋聲對榻眠林下雪霜侵戶月枕中琴筑落
堦泉崎嶇世味省應徧寂寞山樓老漸便惟有欄農心尚
在口占雲漢更茫然又聞林夫當徙靈隱寺寓居戲作
靈隱前一首靈隱前天竺後兩洞春涼一靈鷲不知水從
何處來跳波赴壑如奔雷無情有意兩莫測肯向冷泉亭
下相潏潏我住錢塘六百日山中暫來不煖席今君欲作
靈隱居葛衣草屣隨僧蔬能與冷泉作住一百日不用二
十四考書中書張以寧靈隱九日詩秋日秋山景色微
秋來風景解人稀泉通金谷清偏冷峯出霜林峻欲飛黃
葉下封遊客路白雲閒護定僧扉人生晚節須當惜暢飲
何妨醉夕輝王世貞靈隱寺詩步履徑隨盡招提天忽
開山驅丹鷲下泉捲白龍迴石氣清僧席蔭繞佛臺鐵
衣雙大士金粟萬如來寺愧題名隱詩
憐異代才游人日何限無地著蒼苔

北高峯塔 在靈隱後山唐天寶中建高七層會昌中燬

錢武肅王重修宋至和三年雷火元豐間圓明大師重建

咸淳七年燬

咸淳志

又建今圯止存三層

靈隱寺舊志

神尼舍利塔

在飛來峯頂同州般若寺尼智仙通禪觀

言人吉凶神驗隋文帝始生于寺尼謂太祖曰此兒佛所

祐太祖因委尼視育及帝長尼私謂曰佛法暫廢賴汝而

興宜記之屬周武廢教尼隱帝家而卒後帝卽位令天下

造佛舍利塔

靈隱寺舊志

仁壽二年遣僧慧誕齋神尼所囑舍

利于此造塔發土得石函一因冥所資舍利石函其中不

差分寸人咸異之

咸淳志

永福寺

在靈隱寺西石筍峯下永福古剎劉宋元嘉時

爲琳法師講所石晉天福間顏爲普圓院又名資巖南宋
咸淳間改勅今額時有毒聲大師居之號大吉祥寺功德
最盛舊錢塘縣志元初廢至元元年有清涼山盤陀石正宗禪
師圓來駐錫結茅常衣白衲故又名白衲菴明成化二年
古香禪師相繼住持萬歷間重題永福禪林

國朝順治中天台之裔靜昭興復

西湖志

張以誠過白衲菴詩梵唄傳松徑招提隱竹林山僧衣白
衲海客豁塵襟瀟灑樓支遁殷勤訪慧琳元言霏作玉佳
句慙爲金竹枝臨峯頂蒲團坐樹陰白雲秋
補衲清澗夜流琴最羨峯頭石嶙峋閱古今

勅賜清澗寺

在青芝塢卽玉泉寺南齊建元中靈悟大師開山

西湖志

天福三年始建名淨空院淳祐間理宗御書玉泉淨

空之院六字

咸淳志

元末燬明宣德重建萬歷間錢塘令聶

心湯重修

錢塘縣志

國朝康熙三十八年

聖祖仁皇帝南巡

賜名清蓮寺

賜御書金剛經一部大士像一尊雍正六年總督李衛重修

西湖志

乾隆十六年至四十九年

皇上南巡

御製詩章恭紀卷首

南巡盛典

僧濟顛玉泉寺詩千章老木冷涵秋今日重來話舊游一池寒水凝虛碧照出當年五百流中有神龍隱頭角爲雨

爲霖蘇早涸聖主垂衣風雨調龍亦安然在邱壑張時
微玉泉寺詩紺宇端澄碧青雲覆石渠穿崖驚宿鳥綴藻
數遊魚掃榻霞扉敞藏經石室虛山僧知愛客碧草不教
除王世貞玉泉寺詩寺古碑殘不記年清池媚景且留
連金鱗慣愛初斜日玉乳長涵太古天投餌聚時霞作片
遊人深處月初弦還將吾樂同魚樂三復莊生濠上篇

廣化寺

在孤山之南舊名孤山寺

西湖志

廣化院天嘉元

年建名永福

咸淳志

卽孤山寺大中祥符改今額有辟支佛

骨塔紹興間改創四聖觀

西湖遊覽志

元楊璉真伽改爲萬壽

寺元末燬明洪武初誠意伯劉基復建歲久傾圯崇正甲

申杭人卽其外建數峯閣水部陳調元廊而大之始漢至

明凡名賢皆祀之仍名曰廣化寺今名六一泉

錢塘縣志

白居易西湖晚歸同望孤山寺贈諸客詩柳湖松島蓮花
寺晚動歸橈出道場虛橘千低山雨重拼欄葉戰水風涼

烟波滢蕩搖空碧樓殿參差倚夕陽到岸清君回首望蓮
萊宮在水中央孤山遇雨詩拂波雲色重麗葉雨聲繁
水鷺雙飛起風荷一向翻空濛連北岸蕭颯入東軒或擬
湖中宿留船在寺門張祐孤山寺詩樓臺聳碧岑一徑
入湖心不雨山常潤無雲水自陰斷橋荒蘚合空院落花
深猶憶西窗月鐘聲出北林林逋孤山寺端上人房寫
望詩底處憑欄思渺然孤山塔後閣西偏陰沉畫軸林間
寺零落蒼苔葑上田秋景有時飛獨鳥夕陽無事起寒烟
遲留更愛吾廬近祇待重來看雪天孤山寺詩雲峯水
樹南朝寺祇隔叢篁作並鄰破殿靜披蓋白古齋房閑試
酪奴春白公睡閣幽如畫張祐書碑妙入
神乘興醉來拖木突翠苔蒼蘚石磷磷

下天竺法鏡寺 在靈鷲山麓晉僧慧理建隋開皇間僧

真觀與禪師道安頭陀石室檀越陳仲寶拓而新之號南
天竺寺唐永泰中賜額五代時有五百羅漢院後廢大中

祥符改名靈山天禧間復天竺寺額舊志紹興中改賜天竺

時思薦福寺額慶元三年又復原額寶祐二年賜天竺靈
山教寺額元末燬明洪武間重建浙江通志舊有鍾離權書方
丈額陸羽二寺記蘇公和周次元詩石刻今皆不存武林舊事
國朝康熙三十八年

聖祖仁皇帝南巡

駕幸寺中

賜帑重修

西湖志

乾隆二十七年

皇上賜額曰法鏡寺四十五年四十九年

御製詩章恭紀卷首

南巡盛典

胡宿下天竺靈山教寺記天竺寺者餘杭之勝刹也飛來
峯者武林之奇巖也晉有梵僧慧理指此山乃靈鷲之一

小嶺耳不知何年飛來至此挂錫置院初曰翻經隋開皇
中法師真觀增廣之改爲天竺寺其後大比邱曇超道標
領徒倡教名在僧史唐末盜起寺焚畧殆盡吳越王鏐因
卽舊址建五百羅漢院大宋之興名山精舍申易嘉號錫
名曰靈山祥符中州人聯牒叢叩府下請大士蓮式領其
衆演天台教觀式公辨博明解遠近向慕智者之學自是
益振天禧初王冀公臨州一見加禮爲奏復天竺舊額冀
公親題其榜筆力殊勁且有勅旨許作十方講說主持還
朝又表其高行賜號慈雲仍賜錢萬緡爲營佛殿未幾付
郎胡公繼典是郡又捐已俸助作三門分架峻廊翼其左
殿之後曰法堂其右曰僧堂曰金光三昧堂曰老宿堂其
左曰厨曰庫曰浴院曰延壽堂又東西繚廊六十楹井區
春磴之所凡三百餘區皆匪亟而成觀威以化至于金像
模肖無不奇特又造旃檀觀音像置三昧堂中慈相穆如
智者之遺法也初寺有檜樹枯死至是柯葉復茂衆目之
曰重榮檜乃蘭若中興之兆慈雲告老菴于東嶺傳寺事
于明智大師祖韶公亦宿植德本密資覺力延接海衆宴
坐道場二紀有餘百事無曠天聖中兩官外護七寶焉依
清淨之風大流率土吉祥之地首眷茲山方詔乾元長寧
二節度僧各一明道至皇祐間二造近甯黃元吉捨施檀

香縷金佛菩薩羅漢等像五十二身釋迦文殊普賢阿難
迦葉琥珀像五身又施西天靈塔佛骨舍利白氎等仍賜
飛白御書六軸飛白扇子等且有中旨每歲度行者一人
韶公欽承聖施寅奉墨寶于法堂後建御書閣三棟以度
香火閣之東西建方丈二十區北敞虛楹正面鵲石名勝
遊士多至其下入于殿之前建鐘經二臺東西對峙三門
之左創五百羅漢院右建天台教藏院後曰看經堂北曰
泗州菩薩殿後曰茶堂亭軒易屬之類亦百有二十餘區
前後輪奐表裏華潔鐘梵通于霄漢金碧照于岩谷新潤
春夏衆聲琤然靈峯早暮雲氣縹緲若疑神物之有護信靈
山之所隱韶公以某雅塵禁職緬慕宗乘見托以文且記
其事至于龍潭猿澗一邱一壑之勝則有陸鴻漸山記在
焉今但記其置寺之本末云崔顥遊天竺寺詩晨登天
竺山山殿朝陽曉澗泉爭噴薄江岫相縈繞直上孤頂高
平看衆峯小南州十二月地煖冰雪少青翠滿寒山藤蘿
覆冬沼花龕瀑布側青壁石林杪鳴鐘集人天施飯聚猿
鳥洗意歸清淨澄心悟空了始知世上人萬物一何擾
陶翰宿天竺寺詩松栢亂岩口山西微徑通天開一峯見
宮闕生虛空正殿依翠碧千房標石叢夜來猿鳥靜鐘梵
響雲中岑翠映湖水泉聲亂溪風心超諸境外了與懸解

同明發惟改視朝日長崖東湖色濃蕩漾海光漸曠曠
仙跡尚在許氏道猶崇獨往古來事幽懷期二公李白
送崔十二遊天竺寺詩還聞天竺寺夢想懷東越每年海
樹霜桂子落秋月送君遊此地已屬流芳歇待我來歲行
相隨浮溟渤與從姪良遊天竺寺詩挂席凌蓬邱觀濤
憩樟樓三山動逸興五馬同遨遊天竺森在眼松風颭驚
秋覽雲測變化弄水窮清幽巖嶂隔遙響當軒寫歸流轉
成傲雲月佳趣滿吳洲盧元輔遊天竺詩水田十里學
袈裟秋殿千金殿釋迦遠客偏求月桂子老人不記石蓮
花武林山價懸隋日天竺經文隸漢家苔壁蝸皇鍊來處
洞中待我掃雲霞嚴維宿天竺詩方外主人名道林怕
將水月淨身心居然對我說無我寂歷山深將夜深白
居易下天竺寺詩西湖之西天竺深天香滿風多桂林老
猿引子下高樹流水與雲來遠峯上方已變劫灰黑古洞
常帶秋花陰清暉娛人且歸去後夜月明重來尋題天
竺南院贈聞元旻清上人詩雜芳潤草合繁綠巖樹新
山深景候晚四月有餘春竹寺過後雨石徑無纖塵白
一居士方袍四道人地是佛國土人非俗交親城中山下
別相送亦殷勤陳陶宿天竺寺詩一宵何期此靈境五
粒松香金地冷西僧示我高隱心月在中峯葛洪井林

通聞越僧靈皎游天竺山因寄詩天竺秋重入招提隔翠
林幾同聞桂子無復憶山陰峯曉雲衣破溪寒石色深門
蘿諸勝槩孤病負同尋俞桂次下天竺僧韻朝市軟紅
塵山林氣味深放懷隨野鶴過耳任春禽石澗鳴寒玉松
奴墮日陰隱君無箇事存養讀書心張翥遊天竺寺詩
石梁漱水濕蒼苔陰洞傍穿澗底同殿閣金銀從地湧山
林圖畫自天開龍隨僧到分雲住猿認人呼下樹來遊興
未闌斜日盡馬頭呼酒尚徘徊宿天竺詩山僧留客意
殷勤把酒山亭對夕曛披徑亂藤盤石樹摩崖蒼蘚澁秋
雲月中桂子隨風落洞口猿聲靜夜聞老去野心偏向逸
竹窗禪榻漫平分

中天竺法淨寺 在稽留峯北隋開皇十七年僧寶掌從

西來入定建立道場

神州古史考

宋太平興國間吳越王改爲

崇壽院政和四年賜額天寧萬壽永祚禪寺南渡初有摩
利支菩薩威應因命增廣殿宇以禁中所奉佛像賜焉

咸淳

志 元天歷間僧大忻得幸于文宗改額天歷永祚禪寺明

洪武初賜號中天竺禪寺正德間燬嘉靖重建

武林梵志

國朝康熙三十八年

聖祖仁皇帝賜帑重修康熙四十二年

賜御書靈竺慈緣殿額

浙江通志

乾隆三十年

皇上南巡

賜法淨寺額

南巡盛典

參寥子中天竺寺詩夕陽山氣靄慈慈路轉松陰覆幾重
行過石橋人未見數聲先聽寺樓鐘稽留峯北好林泉珍
重由棲得所便栢子香中能宴坐想無餘習可攀援霜壓
簾櫳雪泣除銀河初轉斗垂杓清言共失三更夢錯恨芙
蓉漏易消鄧文原中天竺詩兩山鐘磬出烟蘿中有高
僧住澗阿般若固應通止觀聲聞豈必在禪那驚峯飛翠

來身毒桂子飄香落貝多會得法門元不二文殊無語對
維摩錢惟善寄中天竺竹泉禪師詩曾過石橋尋遠公
塵緣未得一相逢澗深如雨月明夜兩箇使啼十丈松
沈周中天竺有懷住山祐天吉詩疎林懸碧澗卻有小橋
通水落重重石松鳴樹樹風路當三里半
寺在兩山中今日天香閣先期憶祐公

上天竺法喜寺

在北高峯麓白雲峯下

名勝志

後晉天福

四年僧道翊結廬山中見瑞光發前澗就視得奇木命工
孔仁謙刻觀音像會僧從勲自洛陽持古佛舍利來納之
頂間妙相具足吳越忠懿王夢白衣人求治其居乃卽其
地創佛廬號天竺看經院宋咸平初郡守張去華以旱致
禱甘霖隨降自是遇水旱必謁焉天聖中僧詵夢像浮空
而行出小山曰吾欲憩此乃謀徙院今所嘉祐守沈遵延

辨才法師元淨主席請于朝賜額靈感觀音院南渡後累
朝臨幸孝宗御製大士贊錫內府寶玉三品改院爲寺理
宗御書廣大靈感觀音教寺八字復御製贊及殿記慶元
間改天台教寺上天竺志元季燬重建成化丙申重建鐘樓三
門殿廡一新成化舊志寺有白雲堂兩峯堂中印堂雲漢閣應
真閣延桂閣清華軒竹嶼軒雪坡軒夜講堂植杖亭凝翠
泉觀音泉諸勝武林梵志

國朝順治十七年不戒于火僧德水重建康熙三十六年

聖祖仁皇帝

賜御書石刻金剛經一部三十八年

南巡

賜帑修葺

御製重修天竺寺碑文四十二年再幸

賜御書心經一軸四十四年再幸建

御碑亭四十六年又幸

賜御書金字藥師經一部并讚六十一年正殿燬雍正七年卽藏

經閣舊址恭建

御書樓一座上供金書法寶九年重建寶殿十三年

世宗御製碑文乾隆十六年

今上南巡

御題門額曰法喜寺後殿額曰寶陀飛觀

西湖志集

二十二年二十

七年三十年四十五年四十九年

御製詩章恭紀卷首

南巡盛典

黃清重修上天竺觀音殿記皇元尊象法而尚教乘天竺
實居江南列刹之首仍紀至元之三年寺燬于災惟聖像
巍然獨存諸珍異服器亦無損毫末人以爲是有神物陰
護之亡何而主僧仲願告寂虔子思以五年夏五月來蒞
寺事謂欲復吾故宇莫先治殿以揭虔受靈膏舊僧之意
適同各探已棄出錢有差知事僧亦力相之俄有大商至
自江右獻巨帑六十有三尋收亡僧所遺錢以緡計者五
千銀以兩計者七百八十出以畝計者四百旣而達官大
姓相繼輸錢而施不啻十萬緡于是隨木之值以鳩其材
歛田之人以給其食量緡錢之多寡以總其費殿之始建
以其年冬十有二月凡其制爲間二十有四悉準其舊其
崇八尋倍其崇而益尋有二尺以爲修半其修而去尋有
二尺以爲廣功未竟者三之一而子思以至正二年春遷
西明之延慶本無由延慶東堂出領茲山悉力殫慮圖終

其役三年春三月毀成潛因備記其廢興願未來者尚鑒
于斯陳軒撰靈威觀音院記紹聖二年軒自合肥移守
錢唐明年奏疏于朝曰臣所領州之西偏湖山之勝甲于
天下而天竺山在焉自五代時僧翊得奇木不能名刻爲
觀音像僧勲又以佛舍利內置頂間其後像見光怪與人
作福祥遠者載金石近者亦相傳不絕不復舉臣自去
秋視事民方薦饑今年春雨彌月不止吳興苦旱連歲水
災父老日夜憂懼臣卽率官屬躬禱像下冒雨入山衣褐
霑濕渠決壞道從者皆涉凡臣之還天宇間霽纖雲不興
白日正中清風穆然邦人合掌嘆息既又與至城中作佛
事與民祈禳已而雨暘有時農不告病稼穡施施遂爲豐
年實茲像之庇此土也所不可忘臣竊考圖志唯天竺山
粵自晉宋嘗爲道場逮聖朝天聖始分上下方而觀音像
所在歷載崇奉在治平中賜號靈感因以名寺在熙寧中
許寺歲度一人爲僧朝廷每遣中謁者走香幣其所封識
用御府寶璽蓋嚴恭如此惟是毀宇之建垂六七十
年就頽敝不足以謁虔妥靈宜有加飾臣不勝大願願給
部空名度僧牒數十道貨緡錢市材儼工撤而新之不惟
俾東南之人永有瞻式倘遇水旱禍災吏不能力者亦勅
令從事許哀一路祠廟施利以充其費于是毘陵胡公宗

哲番陽張公綬偕爲轉運副使特主其事乃得錢五百萬
民樂施者又若干萬是役也凡在見聞智獻謀巧者出技
富者薦貨貧者効力良材密石盡山澤之選經始于某年
某月而以某年某月告成爲殿宇若干間高明奧深嚴翼
宏大復闢其前極以爲懺堂金碧丹堊之飾炳煥奪目至
于香火之具瓜華之供物無不備粹容妙相巍然益尊過
而禮者恍若梵天帝釋之居又疑身在圖畫或以爲三昧
力所變幻也蓋如是而後足以侈上之賜而顯揚菩薩之
威靈以慰夫邦人父老之心四年某移金陵住持某大師
某以書來乞銘將作石以詔于後爲撰次其本末云蘇
軾書辨才白雲堂壁詩不辭侵曉叩松扉却值支公久不
歸山鳥不鳴天欲雪捲簾惟見白雲飛兩中遊天竺靈
威觀音院詩蠶欲老麥半黃前山後山雨浪浪農夫輟耒
女廢筐白衣仙人在高堂釋斯植上天竺詩古寺寒橋
路鑿聲靜忽聞數峯平處合一水衆溪分老樹烟蘿雨殘
燈石塔雲閒心寄幽寂似覺遠塵氛釋清順宿天竺詩
昔人不可見行路多長松空遺疎丹處井幹綠苔封月明
還獨宿白雲下疎鐘夜半桂子落不知自何峯朱子春
日過上天竺詩竺國古招提飛甍碧瓦齊林深忘日午山
迴覺天低琪樹殊方色珍禽別樣啼沙門有文暢啜茗漫

留題 戴復古遊上天竺詩好山看不了遂借上方眠酒
渴傾花露詩清寫澗泉生無適俗韻老欲結僧緣睡覺鐘
聲曉窗鵬柏子烟 仇遠遊上天竺詩行徧山顛到水涯
尚無紅葉與黃花長松夾道七八里小墅通村十數家竺
國雲深僧雅淡草堂洞古石查牙野翁共酌官爐酒扶醉
歸來及暮鴉 趙孟頫遊上天竺寺詩九松曾入畫三竺
久頻登忽遇餐芝叟遙尋辟穀僧風泉喧梵唄烟月炯禪
心聞見皆真諦慚余悟未曾 倪瓚宿上天竺寺詩禪月
湛高秋金天夜色幽珠林星彩動碧殿露華浮蓮漏忙催
酒松濤怒撼樓清涼徹毛骨吾欲換貂裘 沈周上天竺
詩佛國最深處令人不倦遊鳥啼千樹杪鹿下五峯頭
地靜鐘聲遠山明寶氣浮老僧禪觀熟詩亦似湯休

崇恩演福禪寺 在風篁嶺俗稱南天竺隋開皇中有法

師貞觀居之

西湖遊覽志

淳祐八年賜今額

咸淳志

至元中燬至

正初重新後有無垢院已併入寺有白蓮華院在玉几峯
側有安養寺本澤雲夢塔院有佛海塔院有樓曰夕佳至

正末燬惟院與樓存

成化舊志

黃潛南天竺崇恩寺記杭之南山由雷峯訖龍井其間浮屠之居四十有二而傳天台之學者惟崇恩演福寺爲最盛寺在小麥嶺積慶山之靈石塢今所謂南天竺也宋渡江初未有寺嘗斥爲牧地後以爲祥光異響出現其間人咸驚異焉淳祐戊申葬貴妃賈氏于山之左肇建寶坊錫以今額命天台宗師圓菴果爲開山率其衆人而居之尋復給田以充華香食飲之需降錢以資土木營繕之費景德壬戌葬周漢國公主于山之右益禪以吳江上腴之田五十畝嗣領教事者初嚴鑑石庭生並賜紫衣加右鑒議咸淳戊辰賈魏公柄國以妃同氣故大發私帑俾禪僧絕岸湘增新其棟宇顯敞宏麗視昔有加至元丁丑燬久未克興復會法席偶虛行宜政院求能負荷其事者得今才公以住是山至正癸未也蒞事伊始僧俗信嚮而至者或爲創大殿造洪鐘或爲作三世佛及文殊普賢迦葉阿難之像列或爲作觀自在像湧現其後或爲作梵釋二天像列侍其傍或施以大藏教而十地菩薩大阿羅漢護法天神之像則合衆力以成之寺之耆舊咸克交贊叶助而分督其役齋室衆堂庫庖廩福既莫不畢具而雲堂丈室鐘

經二樓皆次第告成植越有祠在殿西偏門徑迫隘則闢使寬廣凡可以致其力者無不爲也惟是茲山支于天目至是適當風氣之會清淑所鍾鬱而不洩岡巒廻復窈然觀深泉甘土肥林木茂實誠宇宙間奧壤也才公名必才字大用嗣法于湛堂云

靈石寺

在靈石山棲真院之上

西湖志

西湖諸寺所存無

幾惟南山靈石猶是舊屋寺僧言頃時有數道人來丐食拒而不與乃題詩屋上而去字畫頗類李北海其詩云南塢數回泉石西峯幾疊烟雲登攜孰以爲侶顏寓李甲蕭耘後好事者譚之前一句乃呂字第二句洞字第三句賓字是洞賓與三人者來耳李甲近世人東坡以比郭忠恕善畫而有文餘當是神仙也

竹坡詩話

永興寺

在安樂山下唐貞觀間建

萬歷錢塘縣志

悟明尊者開

山晉天福間僧宣大章住此釋法華經宋鐵牛印禪師重

葺等燬

西溪志

明斷臂諸道者建草菴旋廢萬歷初馮太史

夢正延僧真麟飭新之手植綠萼梅二本題其堂曰二雪

西溪志

李流芳永興寺寄懷詩人言西溪梅不道西溪竹試問十里香何如萬頃綠夾道飛流喧出雲兩山矗永興好蘭若平疇帶溪曲梅竹正蕭疎岡陵互綿邈登樓攬幽香故人足今朝翻白沙崎嶇歷山谷我來適君去恨不同信宿勝事各自領嘉遊恐難續終當期汗漫相與謝羈束

光明禪寺

在定山北唐顯慶元年高宗勅賜光明禪寺

明善導和尚說法開山正統十一年惠辨重建

武林梵志

報恩寺

在萬松嶺今在楊梅嶺名報恩菴

西湖志

唐元貞

間建元至正間築城移建大井巷併海會寺成化間仍徙

故址內有舞鳳軒萬菊軒銅井

西湖游覽志

宏治十年叅政周

木改寺爲萬松書院僧寂源于萬歷壬子建于南山楊梅

嶺下名報恩菴以存古蹟

武林梵志

大圓覺天台教寺

在普福寺西自唐開山爲修證了義

法師塔院

成化舊志

紹興十三年勅于臨安府西山建天申萬

壽圓覺寺

釋氏稽古畧

高宗書額及製二詩賜之寺有歸雲堂

三昧正受閣理宗御書清涼覺地

西湖游覽志

元至正燬重建

萬歷舊志

宋高宗賜僧守璋詩古寺青山更妍長松修竹翠含烟
汲泉擬欲增茶興暫就僧房借榻眠久坐方知春晝長靜
中心地自清涼人人圓覺何曾覺但見塵勞盡日狂吳
綱圓覺寺詩梵室香飄隔竹間壁間肆筆欄奎文山深翠
輦經行處猶臥從龍數點雲地偏境靜人無事雨後風柔
物可清山鳥定知琴意好倚花潭不作春聲鄧文原遊
覺圓寺詩大圓覺境清涼地要闢毘盧貝藏開飛錫不妨
隨鶴下蟠桃曾見有龍來相逢定性三生路盡了塵心萬
劫灰憶我初年慕禪悅石橋烟雨過天台徐一夔圓覺
寺詩法侶西州彥招邀有雅情供分園果熟沐愛井泉清
江近潮偏響山平月倍明無眠知夜永况乃候蟲鳴

招賢律寺 在葛嶺麓唐德宗朝郡人吳元卿爲六宮使

棄職叅鳥窠禪師建菴修道開運三年錢氏建院名招賢

宋治平二年改今額

咸淳志

有蒙泉蘇子瞻題元末燬

國朝改清隱菴

舊志

馬臻集葛嶺招賢梵宇奉簡明碧主人并呈演福湛堂主
人詩西湖之西北山麓林泉勝處多佛屋招賢一剎丹井
西樓殿崢嶸峙坤軸遠山陂陀儼趨向近山宛轉紛相屬
大開象教走檀施天意弛張無不足羣公一會豈易取使
我生平散煩促忽憶廬山遠法師白社當年締陶陸明碧
主人好事者風流千載今能續我行山下成白頭岐路崎
嶇幾翻覆童童孤山正相對獨鶴不歸烟草綠只今畫舫
日遊行酒肉笙歌自成俗百年萬事焉敢料吁嗟此輩空
碌碌杖藜徒步且歸休他日吟詩寫修竹

鳳林禪寺

在葛嶺西俗稱喜鵲寺

西湖志

唐烏窠禪師道

場

西溪梵隱志

元和二年刺史裴常棣建

咸淳志

宣德間僧如月

重建勅名鳳林寺內有君子泉

武林梵志

徐集孫鳳林寺詩鵲巢不見委空枝透徹機關
在險時自後非無禪可問多因險處怕人窺

虎跑禪寺

在西湖南山唐元和十四年寰中禪師結菴

于此感二虎跑山泉源湧沸故稱虎跑憲宗賜額廣福院

宣宗大中八年改額大慈禪寺乾符間勅加定慧二字

虎跑

寺志晉開運改額仁壽宋太平興國間改法雲祖塔院

咸淳志

宋末燬元初僧克符重建明洪武二十四年立爲叢林嘉

靖間燬僧永果重建

西湖志

國朝康熙二十八年三十八年

聖祖仁皇帝南巡兩幸寺中

賜金剛經一部雍正九年重修

浙江通志

乾隆二十七年四十五年四

十九年

御製詩章恭紀卷首

南巡盛典

徐一夔重建大慈定慧禪寺記大慈定慧禪寺者唐袁中
禪師之道場也袁中得旨于百丈大智禪師元和中行脚
至杭愛茲山幽邃因卓錫焉依皈者衆將建道場而地脉
高亢乏水以供庖湆意欲他徙一日禪定有神人儀觀甚
偉拜而言曰吾師行道此方以利益羣品吾將役二虎移
南嶽童子泉以施吾師翌日有二虎在山西南隅以爪爬
地如掘井狀已而水泉湧出盈坎且味極甘冽遂成道場
他日有自南嶽來者禪師問童子泉何如曰洎矣于是泉
以虎跑得名寺之成錫額曰大慈則長慶元年也開成初
禪師入滅咸通初其大弟子欽山遂上其師之行于朝謚
曰性空塔曰定慧易寺額曰法雲院中和間又以塔名配
寺名如今所揭額云宋太平興國中寺以南泉願臨濟元
無著喜趙州諡巖頭廢雪峯存俱至茲山與中禪師激揚
宗旨故又名祖塔院元祐間蘇長公守杭有病中遊祖塔
院詩見于家集建炎初又復寺額如長慶時嘉定間權臣
史彌遠利其地可爲墳墓欲陰廢其寺或爲蜚語危之乃
沮彌遠猶徙其寺額于鄉郡建香火院而奏奪其地爲軍
營時有僧曰克符者雜處其中圖復其舊而卒勿果元至
元中巴江回公居淨慈第一座縛茹泉上以待時緣方薤
草畚礫得一石狀類僧伽乃中禪師像也濯而奉之識者

以爲寺興之兆。大德初，鹽運使胡公度雅敬慕回公爲捐
貲財興造，而寺額則仍中和之舊。至治中止，嚴成公繼之
作亭于半山，題曰古禪林。茲寺雖已復，而規模不加于昔。
洪武十年，定嚴戒公來領寺事，爰發宏願，以改作爲己任。
首捐衣貲，購地二畝，鑿爲方池，以瀦水。乃哀衆施，具材命
工作。大雄寶殿視舊加三之一，歷四寒暑而後成。將作僧
堂法堂，而故址不足以容衆礎，乃削巖剗壑，左右前後爲
尺六，百有奇，而僧堂法堂及方丈三門鐘樓兩廡視舊始
廣。至于庫庖庖湍，亦皆以次而完。欲別爲室以待雲水之
賢，至者名勝之恬養者，病患之攝治者，亦窘于基址。故于
兩廡之間，作爲重屋而分房，以處之。又涉五六寒暑而後
備，余嘗步湖而西，過赤山之岡，三四里許，緣山斗折而入。
不盡百步，新作山門，揭大慈山三字，則元江浙行省平章
紫微史公弼所書。旣入山門，又緣山行二三百步，有石梁
橫小澗上，乃抵寺門。山勢三面環擁，林壑清閭，嵐霏翠寒。
人間塵土不至，信乎清淨之域也。陳刊大慈山虎跑定
慧禪寺記。寺在杭之南，去城十里許。山勢崔嵬，凌逼霄漢。
山之陰，世傳爲越王臺。左右龍虎抱衛，西湖與錢塘江則
又資于外抱之兩腋。湖去赤山埠江去白塔嶺各舍舟二
三里，卽達于大慈鄉。定慧塔雙峙于三解脱三門。唐元和

間性空禪師卓錫結茅于此虎跑地出泉累朝有廣福大
慈定慧勅額至宋末大壞于兵燹元初僧克符堅菴于故
址至實山四重新迨明有淨戒善求者或展拓規度或栽
植松檜景象交映成化甲午歲予讀書于此山之西方丈
寺尚無恙正德初再過此山則蕩然邱墟可爲嘆息時有
大功德寺僧寶峯道瑄者晉陽巨族至杭住崇福寺爲禪
宗所仰正德庚午大慈僧衆以禮致之寶峯慨然振衣而
至郡城內外望風雲集寶峯命材鳩工經營相度晝夜寒
暑無少假息由是臺殿廊宇門廡樓閣倉庾庖藏像設器
用靡一不具自是二月始事至畢工幾三載昔蘇文忠公
爲納菴記講法師辨才之在天竺吳越人奉之如佛出世
凡有廢缺人爭竭力成就寶峯殆亦近之是何修而能令
人若此哉寺衆舉以爲德踵門求余爲之記蘇軾重遊
祖塔院詩紫李黃瓜村路香烏紗白葛道衣京閉門野寺
松陰轉欹枕風軒客夢長因病得閒殊不惡安心是藥更
無方道人不惜階前水借與匏尊自在嘗蘇轍次韻子
瞻病中遊虎跑僧舍詩掃地開門松檜香僧家長夏亦清
涼公庭多事久來厭靜處安眠計甚長修竹填窗藤簞綠
白蓮當戶石盆方香厨晚飯紅梗熟忽憶烹雞田舍嘗
聶大年虎跑寺和東坡詩於菟跑地泉水香醍醐入口甘

露涼龍吞滄海軍汲滿僧入翠微山路長乾坤萬古有清
氣鐘鼓數聲聞下方麴泉煮茗作清供義眉老仙曾共嘗
方九叙虎跑寺詩曲徑同尋大士家林嵐幽僻入烟霞
清泉繞砌飛成雪紅葉含霜望似花欲託醉鄉憑魯酒漫
辭水厄試僧茶幽棲况對
求羊偶且向山中閱歲華

勝相禪寺

在龍山

西湖志

唐開成四年建舊名龍興下佛

寺治平間賜今額建炎燬止存五丈觀音像及閣

咸淳志

俗

稱五丈寺萬歷間重建

武林志

天龍禪寺

在龍山之陽

浙江通志

唐天龍和尚開山吳越王

拓新之宋大中祥符間改名感業建炎燬巋然出于火者

木觀音也元延祐間僧善平恢復泰定三年遷寺舊址之

南百步明洪武初重興

天龍寺志

嘉靖間燬萬歷間重修

武林志

宋濂石佛記畧天龍寺乃唐天龍尊者駐錫之地吳越王
爲建寶坊因名天龍王之女曾刻木作觀音像畀之至今
猶存元泰定間重建寺後皆山相傳爲越王臺西上小塔
出灌莽中蓋藏天龍舍利處折北而西平岩幽邃鐫成無
量壽佛又刻般若心經係以太平興國六年左峙石洞傍
勒饒雲齋三字詩一章不能全辨東折有慈氏如來暨天
親無著侍衛七像又東有寶陀大士像石壁上刻天龍寺
光明石六字石能夜現光怪故名三處仍勒佛號于石以
金填之先是神光起寺西四十步久而愈明掘地獲石觀
音昇歸奉之東廡早潦崇禎立應諸像畢出似非偶然不
可無以示來者頗爲之記張光弼題天龍寺叢桂樓詩
天龍樓閣迴無鄰玉斧修成月滿輪受質豈無如郊者觸
援還有姓黃人香通三昧惟心印花散諸天
盡法身誰把碧雲題樹葉惠休詩句本清新

龍井寺

在風篁嶺

西湖志

唐時名報國看經院宋熙寧中

改壽聖院蘇子瞻書額紹興間改廣福院淳祐六年改延
恩衍慶寺元豐二年辨才禪師自天竺歸老于此與蘇子

瞻趙閱道友善後人因建三賢祠祀之

西湖遊覽志

寺有過溪

亭歸隱橋方圓菴寂室照閣閒堂訥齋潮音堂滌心沼獅

子峯薩捶石諸勝

咸淳志

明宏治中寺廢萬歷間僧真果重

建

國朝康熙間僧一宏重葺

浙江通志

乾隆二十七年春

皇上南巡

御製匾聯及龍井八詠詩三十年四十五年四十九年

駕幸龍井

御製詩章恭紀卷首

南巡盛典

楊傑延恩衍慶院記天台宗師辨才淨志坐道場者四十年指空假中以接人其心契于聖智具戒定慧以行已其

德動于幽潛真有道之士也初住錢塘法惠院之寶閣次
住上下二天竺又住南屏山之興教寺往來學徒蓋踰萬
人分傳教觀多能演其所聞開悟學者師平生未嘗輒有
求于人然所至必爲四衆依嚮莫不興盛蓋有以致之也
余在都下時見清獻公與師酬倡頌頌已知師之所存矣
及觀蘇子瞻與師言其兒幼弱不能行因禱師加護卽壯
而能行然後知師功行至矣師一日謂諸徒曰吾筋力衰
憊勞于應接安得幽僻處一菴地以養餘年檀越聞之曰
辨才師有退居之意吾輩蒙其德不爲不久盍往擇可居
之地乃于龍井山得壽聖院敝屋數椽主者不堪其居願
人爲代以捨去于是請師徒弟懷益主奉香火汲巾侍瓶
甲乙相承以嚴佛事其院卽吳越王所創國朝賜今額也
檀越爲師鼎新棟宇不日而成中建尊嚴聖像也前有
三門示三解脱也鐘鼓有閣驚晦明也堂曰潮音信羣聽
也齋曰訥欲無言也室曰寂寂而常照也閣曰照照而寂
也泉曰冲用不窮也又堂曰閒趙公致政訪師退居二閒
人也菴曰方圓不執一也橋曰歸隱退以樂也沼曰滌心
淵清澈也羣居有寮安其徒也衆山環繞景象會合斷崖
泓澄神物攸宅龍井巖也勢將奮迅百獸竄懼獅子峯也
昔人飼虎以度有情薩捶石也修竹森然蒼翠夾道風篁

杭州府志

卷二十九

詩

三

嶺也元豐八年秋余被命陪高麗國王子祐世僧統訪道
吳越嘗謁師于山中乃度風篁嶺窺龍井過歸隱橋鑒滌
心沼觀獅子峯望薩捶石升潮音堂憩納齋酌中泉入寂
室登照閣臨閒堂會方圓菴從容論議夕而復還師異日
遣其徒丐文以紀其本末余既與之記又繫之以詩十三
章云
孫一元龍井寺詩
眼底閒雲亂不開偶隨麋鹿入
雲來平生于物原無取消受山中水一杯
屠緯真龍井
寺詩
藕花菱葉傍輕鷗路入南山景更幽
赤日未消團扇
暑青蘿先到寺門秋
風前萬樹蟬鳴急
雨後千崖水亂流
好事祇今劉尹在身慙元度得同遊

南昭慶寺

在南山長興二年吳越王建南渡後充祭祀

齋宮

咸淳志

寺有東坡寫竹下題云明夫子方明弼康道嘉

甫子瞻同遊庚午八月題

二老堂雜志

一名小昭慶院久廢

湖山

覽便

陸游小昭慶院詩
講僧舊在都下相從今沒已久見畫像
院中作詩弔之
曩歲曾陪夜講燈
伏犀挿腦齒如冰
假令

重見應難識道
像癯然一老僧

法因寺

在九曜山卽今發祥祠

西湖志

長興四年建舊額

報慈宋大中祥符元年改今額殿前有古鐵塔錢王井咸淳志

修吉寺

在赤山天成三年吳越王建舊名瑞龍大中祥

符元年改賜今額寺內有西湖奇觀亭

西湖志

水心保寧寺

在南屏山前湖中今名放生池

西湖志

天福

中建名水心寺大中祥符賜今額舊有思白堂好生亭陸

蓮菴

咸淳志

德生堂

錢塘縣志

秦觀送僧歸保寧寺詩西湖環岸皆招提樓閣晦明如臥披保寧復在最佳處水光四合無端倪車塵不來馬足斷

時有海月相因依上人弱齡已隸此心目所證惟瑰奇白
玉芙蓉出青沼天然不受紅塵擾坐客一語不入意目如
明星視飛鳥冠切雲今三佩難上人顧之真等閒應緣却
入人間世興盡却歸湖上山伊余久欲窺禹穴矧今仲父
官東越行挽秋風人剡溪爲君先醉西湖月蘇軾陸蓮
菴詩何妨紅粉唱迎仙來伴山僧到處禪陸地生花何足
怪而今更有火中蓮

顯聖律寺 在淨慈寺側天福五年吳越王建舊名顯瑞

治平二年改今額

咸淳志

柳洲寺 在湧金門外舊在清波門外天福五年錢王建

名資福宋改惠明紹興間斥爲聚景園徙柳洲因名柳洲

寺

武林談叢

清心寺 在石函橋舊名湧泉天福五年建治平二年改

今額對寺門有湧泉

咸淳志

廣澤禪寺

在大慈山之陽晉天福六年吳越王建有泉

一泓名甘露宋治平二年改額廣澤院明洪武初復名甘

露

咸化舊志

洪武九年僧東明建正統間毒峯善禪師重建嘉

靖十五年僧天祥真重建

武林梵志

法雨寺

在赤山

西湖志

天福六年建舊名水心續改雲龍

宋大中祥符元年改今額淳祐間重剏佛殿鐘樓移立鐵

塔于法堂前

咸淳志

榮國禪寺

在南高峯

西湖志

晉天福中建元係塔院奉白

龍王祠

咸淳志

寺後有白龍洞宋寶祐間重修景定間賈似

道改額靈順廟咸淳五年潛說友創華光樓射亭角觚臺

湖山

便覽

田汝成榮國寺詩飛塔中天起清秋騁望來憑闌霄月近
倚杖海雲同窺窳千峯台丹青萬樹開猶憐雙足健無日

不登

臺

南高峯塔 在南高峯天福中建高可十丈崇寧二年僧

修懿重修乾道五年僧義圓重建

咸淳志

元季燬舊七級今

存五級

西湖遊覽志

相巖寺 在寶石山麓天福七年錢氏建舊爲十三間樓

石佛院治平二年改賜今額淳祐三年重建

咸淳志

佛惠禪寺 在方井晉天福七年普覺一禪師開山爲法

華祖師道場

武林志

紹興間益王府移請今額

咸淳志

永樂間

本源文達禪師重建正德間燬都督萬表爲外護祇園法

師圓果闡揚宗教請龍藏永鎮梵刹建閣修葺煥然一新

下院名圓通菴在六寶村別院名白業堂

西溪志

薛應旂佛惠寺詩人天無住著究竟有真詮面壁應難悟
繙經孰可傳獨尋何處遇普度亦須緣憶在吳門別重逢
不記年文徵明佛惠寺詩法身曾趁木杯浮又駕慈航
月下遊出世不求千歲藥汎溪長載一輪秋桂香飄處清
禪夢更影低時歇棹謳物色由來總虛幻何須重看海中漚

靈峯禪寺

在青芝塢後故鷺峯禪院晉開運間吳越王

延伏虎光禪師居之宋治平二年改賜今額俗傳爲唐時

裴休墓院者非也

西湖游覽志

舊有容碧軒今不存

咸淳志

萬歷

初僧散寺敗僅存殿宇邑人陳善延僧通慧居之寺舊有

眠雲堂翠微閣洗鉢池妙高臺

武林
梵志

智果禪寺

在葛嶺上

成化
舊志

開運元年錢氏建宋元祐中

郡守蘇軾重建法堂有題梁有參寥泉

咸淳
志

舊在孤山宋

紹興間徙建北山有泉適出好事者仍名參寥泉以志舊

蹟元末燬明初重建其梁自孤山移置

浙江
通志

國朝順治間重建

西湖
志

按舊在孤山名智果觀音院宋紹興間分爲二一徙棲

霞後改忠烈祠一徙葛嶺標上宇別之今棲霞寺已改

爲祠則仍書智果而去上宇

徐一夔重建智果院記畧智果院在西湖之北葛嶺之上
後唐開運元年吳越王錢氏建宋元祐中蘇文忠公守杭
初公在黃州時夢中有石泉槐火一時新之句及遊智果
境與夢符公與參寥子有道契遂延住茲院參寥子者吳
僧道潛號也有戒行而以詩名主席之日集者自公而下
凡十有六人分韻賦詩號稱一時盛事錢塘素多巨刹智
果實茲爾寺而名聞四方者地以人勝也至正初子過葛
嶺嘗遊焉遵坡陀而上竹樹茂密晴霏撲體抵于寺門振
衣南眺澄湖一碧朱簾畫舫歌鼓相應頃之循左廊而上
殆半側出十許步有泉在石罅其色紺寒則公夢中詩所
道者其上有祠公與參寥子之肖像在焉返自泉所道左
廊欲盡磴道陞至于法堂有木板厚不盈尺廣四倍之長
可三十尺橫置几上其膚署曰元祐五年歲庚午二月辛
卯朔二十五日乙卯上梁蓋初作堂時上梁公爲誌其歲
月貼置棟脊此其手墨也堂已改作後人以公遺墨故度
之洪武初智果燬向之所經山昏林翳塵埃眯目昔人風
致不可見矣崇壽有可祥師者欣然首捐衣鉢爲之倡而
募好施助其不足中作寶殿塑觀音大士像朱纓寶鬘莊
嚴端好翼以兩廊繪七難二求三十二應于壁極幻化之
態前爲三門而金剛神列于兩旁石泉之上仍爲祠堂以

奉公與參寥子至于庖福等室亦無不具不三四年舊觀
儼然孰謂起廢之不在其人乎祥字雲屋自幼出家于崇
壽院蘇軾以參寥上人初得智果院會者十六人分韻
得心字詩漲水返舊壑飛雲思故岑念君忘家客亦有懷
歸心三間得幽寂數步藏清深攢金盧橘塢散火楊梅林
茶筍盡禪味松杉真法音雲崖有淺井玉醴常半尋遂名
參寥泉可濯幽人襟相攜橫嶺上未覺衰年侵一眼吞江
湖萬象涵古今願君更小築歲晚解我簪徐集孫智果
寺觀東坡墨跡及參寥泉詩煮茗評詩歲月深堂堂遺像
篆烟沈數間老屋關興廢一段清名無古今碑斷亂雲封
字脚并昏落葉覆泉心斜陽影裏夷猶處仰止高風不敢
吟仇遠智果寺詩獨徑蒼苔引瘦筇牆陰修竹碧玲瓏
青山猶及見坡老小雨何須問社公雲冷石藏烹茗雪
日長門掩落花風定知神扈題梁宇不與當時劫火同

瑪瑙講寺

在寶雲山

西湖志

開運三年錢氏建治平二年

改賜今額舊在孤山紹興間以其地爲延祥觀徙寺于此
紹定六年剋高僧閣淳祐八年重建

咸淳志

元末燬永樂間

重建

成化舊志

國朝乾隆四十四年修四十五年四十九年

御製詩章恭紀卷首

南巡盛典

空律寺

在淨慈寺側後周廣順元年吳越王建舊名天

王大中祥符元年改今額紹興三年旨充朝廷祭祀齋宮

別于西南隅建院

成化舊志

道林寺

在普寧菴西廣順元年吳越王建舊名普濟大

中祥符元年改今額

成淳志

元祐七年松巖法師重建至正

初僧斷江增廣之至正末燬重建

國朝康熙壬子僧方慈重葺

武林梵志

普寧寺

在雷峯塔下又名白蓮

武林舊志

廣順元年建號安

吳寺大中祥符初改今額奉成肅皇后香火有錢塔一石

塔二

咸淳志

無相寺

在龍山廣順二年建舊名真相治平二年改今

額寶祐三年重建咸淳四年改賜壽相寺有會正堂紫芝

巖右有靈鰻池熙寧七年久旱郡守禱之至晚大雨今號

靈澤龍王池

咸淳志

清修寺

在烟霞洞廣順三年吳越王建舊額烟霞治平

二年改今額洞石刻羅漢六尊錢氏別刻十二尊足成之

咸淳志

寺久圯萬歷己亥孫隆重建

武林梵志

兜率寺

在寶石山顯德二年錢氏建宣和初燬以其地

爲副將廨舍有僧思淨俗姓喻善畫彌陀悟筆法之妙世號喻彌陀就多寶山剡石爲彌勒像至七年聖相成因移

請兜率寺舊額爲寺

咸淳志

楊萬里晚出兜率寺送許耀卿詩二首天竺典雲線許長須史遮盡衆山蒼何如洒作千峯雨乞與都城六月涼兜率山深露氣清柳陰暗處藕花明無端捨得閒煩惱背却西湖又入城

法空寺

在大麥嶺顯德五年吳越王建舊名資慶大中

祥符元年改今額

咸淳志

崇先襲慶寺

在樵歌嶺俗呼真珠寺吳越王建舊名薦

福院宋大中祥符六年改崇教院開慶元年賜今額

西湖遊覽

杭州府志

卷二十九

三

志

久燬明洪武壬申復建宏治萬歷重修

武林梵志

法雲寺

在赤山

西湖志

吳越王建初稱慧因禪院宋元豐

八年高麗國王子僧統義天入貢因請從院僧淨源詔許

之俗遂呼爲高麗寺元末兵燬明正德間興復

慧因寺志

國朝乾隆二十二年

皇上南巡

欽賜法雲寺額二十七年

御製詩章恭紀卷首

南巡盛典

潘晟重修慧因講寺記畧西湖有古刹曰慧因吳越錢武肅王所創也元豐間高麗國王子僧統義天入貢受晉水禪師教以歸迺泥金書華嚴經資奉于寺更建華嚴大閣故時人多以高麗名寺寧宗朝有易菴禪師闡揚大乘御

書易菴二字賜之刻石尚存迨明慧因寺歸然魯靈光也僧萬松重修經始于萬歷甲戌以戊寅落成

惠照寺 在雷峯前吳越王建紹興二年充朝廷祭祀齋

宮別于西南隅建院其別院後歸淨慈

咸淳志

錫萬里晚至西湖題惠照寺石橋上詩船千鏡面入烟叢寺在湖心更柳中暮色欲來吾欲去其如南北兩高峯

大佛禪寺 在寶石山麓

西湖志

陸羽武林山記云自錢塘

門至秦皇纜船石爲西石頭宣和中僧思淨就石鑄成大

佛半身淳祐七年重修舊有二尊殿臨湖就石琢二佛與

院相近

咸淳志

石佛飾以黃金仍構穹殿覆其上名曰大佛

頭其寺遂因以名

咸化舊志

元至元間燬明永樂間重建勅賜

爲大佛禪寺宏治四年修寺畔有塔乃元僧所建

西湖遊覽志

國朝康熙初圯乾隆十六年重建西湖志纂四十五年四十九年

御製詩章恭紀卷首南巡盛典重建西湖志纂

張昱西湖大佛寺詩佛身滿法界金色從地起若人加裝嚴其福亦如是張時徹大佛寺詩碧水映招提相過碧草齊殿頭巢鸛鶴松頂掛虹霓竹客難窺戶花開自作蹊高人能習靜爲借白雲棲

法興寺 在赤山乾德二年吳越王建舊名法明治平二

年改今額咸淳志

正濟寺 在赤山乾德二年吳越王建舊名普門大中祥

符元年改今額咸淳志

淨性禪寺 在掃箒塢西宋乾德五年吳越王建名淨心

院大中祥符間改今額元末燬明初重建西湖志

國朝乾隆二十九年修寺

冊

邵經邦遊淨性寺詩庭心千橘舞秋風碧刺青梢兩院通
斜月石林開咫尺淺陰松徑入玲瓏天邊聞鐸情難定閒
裏逢僧話未終粗糲不辭
香積供短簋村酌小軒中

法性寺 在淨慈寺側乾德五年吳越王建舊名彌陀大

中祥符改今額

咸淳志

昭慶律寺 在錢塘門外乾德五年錢氏建舊名菩提太

平興國間賜今額

咸淳志

天禧初有圓淨法師結社于此

西湖

遊覽志

構白蓮綠野二堂碧玉四觀二軒紹興間以其地爲

策選鋒軍教場僅存戒壇其後漸次興復元末燬明洪武

間建成化復新之

咸淳志

嘉靖間燬不數年總制胡宗憲復

杭州府志

卷二十九

寺觀

天

建隆慶三年六月爲雷火所焚萬歷間建崇禎十三年燬
國朝順治十七年重建康熙四十二年正殿燬五十二年重建

西湖志

乾隆十六年

皇上南巡

御賜匾額二十二年至四十九年

御製昭慶寺詩恭紀卷首

南巡盛典

外有青蓮池萬善橋內有戒

壇千佛閣藏經閣定觀堂觀音井看山亭臥牛石旁舍石

見心樓慈受堂漚居雨華閣

湖山便覽

三十四年五月燬于火

巡撫承德具奏奉

旨賞銀八千兩重建三十六年秋落成住持僧果證進

京謝恩蒙

皇上重書深入定慧額恭懸戒壇

昭慶寺志

陳堯佐昭慶寺詩湖邊山影裏靜境與僧分一榻坐臨水
片心閒對雲樹寒時落葉鷗散忽成羣莫問紅塵事林間
肯暫聞王禹偁昭慶寺華嚴社詩夢幻吾身是偶然勞
生四十又三年任誇西掖吟紅葉何似東林種白蓮入定
雪籠燈焰直講經霜殿磬聲圓謫官不得餘杭郡空寄高
僧結社篇王渙昭慶寺看芍藥詩一半春光過牡丹又
開芍藥遍禪關久辜往約違蓮社今續清歡到寶闌垂露
幾闌花面濕東風一陣燕泥寒酒邊何味呈奇供綠筍朱
櫻正滿盤

慶忌塔

在昭慶寺之北相傳春秋時吳慶忌葬于此其

地在宋爲豐儲倉前有石池深窈不測

西湖遊覽志

淨慈禪寺

在南屏山

神州古史攷

叔自周顯德元年吳越忠

懿王號曰慧日永明院

淨慈寺志

釋道潛作羅漢堂延壽禪師

作宗鏡錄遂建宗鏡堂宋太宗改壽寧禪院紹興九年又

改淨慈報恩光孝禪寺既而復燬孝宗賜金成之御書慧

日閣

西湖遊覽志

淳祐十年建千佛閣

咸淳志

嘉泰燬嘉定十三

年復建

浙江通志

元季諸寺皆燬惟是寺存

萬歷舊志

明洪武間燬

僧法淨建正統間燬僧宗妙建內有永明室圓照樓叢玉

軒一湖軒並廢鐵鍋重數千斤歛云梁貞明二年鑄寺北

有四眼井

西湖志

國朝康熙三十八年

聖祖仁皇帝南巡

賜御書淨慈寺額對聯一副金剛經一卷心經一卷三十九年寺門及鐘樓燬四十六年奉

勅重修四十九年工竣

御製重修淨慈寺碑記勒石寺中雍正八年恭建

御碑亭于山頂重建湖南佛國震旦靈山二坊濬萬工池構慶芳

橋十二年奉

旨重修并修永明塔院

浙江通志乾隆九年奉

勅重建十六年

聖駕臨幸

御題扁額二十二年二十七年三十年四十五年四十九年

御製淨慈寺詩恭紀卷首

南巡盛典

虞集淨慈報恩寺記杭州路淨慈報恩禪寺在郡城之陰面臨湖水後周時錢氏國于吳越忠懿王俶迎衢州慈化定慧禪師道潛至其府受菩薩戒建慧日永明寺以居之今淨慈是也潛常從忠懿求塔下金銅十六羅漢像忠懿適夢十六人者從潛行異而與之斯有羅漢殿之始也智覺禪師延壽者本餘杭人宋建隆初忠懿王迎居靈隱山遂住永明居十五年作宗鏡錄一百卷則寺所以有宗鏡臺也熙寧中郡守陳襄請圓照宗本居之歲旱湖水盡涸寺西隅甘泉山有金色雙魚遊焉因鑿爲井亭衆千餘飲之不竭名之曰圓照井元豐初繼者其門人大通善本時所謂大小本也宋南渡寺燬而復興紹興初高宗臨幸延湖州道容住居復十六大士之舊并塑五百羅漢像皆出一僧之手像成而化去九年始賜淨慈之額旣而又煬孝宗時賜金成之未數十年又煬住山者退谷義雲闍于朝給錢以更作後數十年少林妙崧主之賜曰泰寧莊紹定四年主者石田法薰猶以寺之取水爲遠以杖扣佛殿前地因使鑿雙井大出泉以給衆景定五年虛堂至愚主之又賜曰天賜莊不十餘年而宋亡矣宋時定京楠佛寺推

次甲乙尊表五山爲諸刹之綱領而淨慈在其中惟我聖朝尤重象教至元中住山無文義傳置田若干畝名至元莊庚寅歲寺又燬獨傳涇里尊者不壞自是住者以次復之古田得屋作蒙堂以居諸方之尊宿次作庫堂旃檀林觀音殿愚極至慧建佛殿法堂羅漢殿皆有像雪庭正傳乍遷佛場宗鏡堂晦機元熙作千佛閣門外之道則提點廣澤相之也東嶼得海作鐘樓方丈千韻善慶作藏殿歷數十年累數師之勤各効其功酒有待也至正壬午平山處林自中天竺受宣政院使高公納麟之請來主茲山積其餘以脩營建于是觀音羅漢之殿嚴飾相好學衆游息安禪之所增益完美尊而祖堂由而三塔廊廡之修庫庾之積凡所宜有莫不備具諸方以爲儀則昔高公自樞密同知外領宣政出其經濟之緒餘施于佛刹叢林風致煥然一新右丞相別怯里不花躬爲外護先後左右名公大臣贊襄文治底于無爲使浮屠氏之人大得以行其道後之覽者又將觀于一刹而有考于一代之盛乎至正五年歲乙酉六月吉日書 陳堯佐永明寺詩附郭山光峭若懸依空樓殿白雲巔孤軒半出青松杪灑氣疑遊碧漢邊惜別凝留風外燕傷秋因感雨中蟬人家掩映藏漁浦島樹扶疎沒水天痛飲豈同蓮社客狂歌聊許竹林賢忘

形且盡尊前樂休憶巖樓與濟川
謁本長老周長官以詩見寄次韻詩
掃清風五百間我與世疎宜獨往
樂事年年減難得高人日日閒欲
處是無還白髮三千丈來寄清風
厭塵寰何當白髮三千丈來寄清
漱灑家人卦剔翠屏顏西湖日日
山王守仁臥病淨慈寫懷詩臥病
事最能知雨餘塔下泉聲急夜靜
眠白石解纓隨意濯清漪吳山越
思遠

大仁禪寺

在石屋嶺

西湖志

廣運中吳越王建舊爲石屋

寺宣和三年改今額山頂一石菴一名天然菴咸淳間建

觀音諸天寶閣

咸淳志

歲久寺圯明成化間重建

石屋寺碑記

朱葵尊宿大仁寺詩徑轉雙林下窗分半壁隈築牆防虎
穴登閣儼蜂臺宿鳥翻風去驚雷觸石迴明當臨絕頂導

我一
僧來

水月寺

在梯雲嶺太平興國二年建有水月池故名

成化

舊志

石幢有寶正元年丙戌十月具位錢鏐建字刻石寺有

寒秀軒元至正末燬

容齋隨筆

楊萬里遊水月寺詩
燕日薦雲乍暑天
倦投山寺借牀眠
清涼世界誰曾到
却在紅塵紫陌邊

九曜寺

在擔水巷俗稱安家堂
安家捨堂爲寺故名相

傳宋曹彬下江南時建至今奉彬爲土神
宋紹興中普明

禪師開法席苦近地無水
夜夢神從地現旦泉湧甚甘今

稱龍山泉亦稱上井殿久圯
嘉隆間僧上菴真定相繼重

建

武林梵志

寶壽寺

在西溪棠嶺橋太平興國間禪師法行宏崇太

宗特勅禪居賜名光孝中廢端平二年石田禪師由靈隱

退居更名寶壽

西溪梵隱志

正德元年無盡和尚復興萬歷間

元律講主寄浮相繼住持崇正初雲門石雨禪師重開古

塔

西溪百詠序

靈芝崇福律寺

在湧金門外今爲錢王祠

西湖志纂

宋太平

興國元年建本吳越王故苑芝生其間拾以爲寺大中祥

符初賜額建炎燬乾道間次第興復

咸淳志

內有依光堂爲

南宋進士題名處僞學之禁朱文公去國寓居寺中

四朝聞見

錄

元末燬永樂初重建

西湖遊覽志

樓倫靈芝寺詩送客靈芝寺凭欄山有無自從朝北闕始
得見西湖烟外移輕槳波間浴野鳧清寒不可駐回首又
都神

蓮覺寺 在湧金門外宋開寶間錢王建開禧元年趙師
晁并爲柳州寺明萬歷間大司馬王業浩改爲圓

國朝順治三年重建

錢塘縣志

天柱寺 在雲棲塢布經院開寶二年吳越王建舊名天
柱治平二年改額

咸淳志

在雲棲三聚亭里許卽常樂寺

武林

梵志

興教寺 在南屏山元末圯

西湖志

開寶五年吳越王建名

善慶太平興國中改額寺有齊雲亭清曠樓皆廢

咸淳志

廣果寺

在赤山惠因橋北開寶八年錢忠懿王建舊額

香龕大中祥符中改今額有古佛殿紹聖二年造有虛悅

軒棲鳳軒山龕羅漢

西湖志

雲栖寺

在梵村棲真院乾祐五年吳越王建舊名雲棲

治平二年改額

咸淳志

明隆慶中禪師祿宏建菴掘地有碑

卽古雲棲寺也

浙江通志

國朝康熙二十八年

聖祖仁皇帝南巡幸寺

御製雲栖詩三十八年

御書雲栖二字及松雲間扁額又

御製雲栖寺詩四十二年

御製過雲栖詩四十六年寺有大竹一竿

賜名皇竹建皇竹亭

西湖志

雍正七年重修

御書亭

錢塘縣志

乾隆十六年二十二年二十七年三十年四十五年

四十九年

聖駕臨幸

御題額聯詩章恭紀卷首

南巡盛典

釋祿宏雲棲寺記畧湖江西上行二十里山名五雲先是山巔有五色雲盤旋其上因以名山而五雲飛集山西塢中經久不散時人異之號爲雲棲塢宋乾德五年有僧結菴以居塢多虎僧至虎輒馴服世稱伏虎禪師也吳越王建寺而雲棲于是創始禪師一號大扇和尚今日雲棲者復古也隆慶五年宏行脚南還愛其岑寂孤行隻鉢趺坐

圮壁間環村四十里歲傷于虎者不下二十人宏設瑜伽施津濟之自是虎不傷人歲旱禱于山而雨霍村民大悅相與鼎新寺之遺址百日而成蘭若外無崇門中無大殿惟禪堂處僧法堂以奉經律而已宏因力行古道盟而後進犯則必退大都主之以淨土而冬專坐禪餘兼講論日有程月有稽歲有表凜凜乎使無賴者不得參乎其間雖于法門無大裨益庶幾飭末學之弊以俟後之知識云爾于石棧真院詩空翠凝寒不受埃斷崖千尺擁崔巍老僧倚樹驚猿去童子掃堦知客來石徑晴因松露濕茶烟遠趁竹風回禪家也辨吟邊料不種閑花只種梅鴈鵲宿雲棲寺詩入林人語忽等烟來共堂頭此夜禪本色住山深有味清詩呈佛豈無緣竹龍行水風迴後栗鼠窺星月出前不待諸天河放逸心清坐聽曉鐘傳

六通律寺 在長耳巷吳越王建舊名惠德塔治平二年

改今額

咸淳志

有辟塵爐非木非石扣之錚然纖塵不染湖

遊覽

明嘉靖間寺廢萬歷間重建

萬歷錢塘縣志

張綱孫同吳錦雯訪六通寺詩與君尋野寺遙問六通名
谷轉雲門峻峯回石路平孤燈陰畫色高樹灑秋聲此口
饒幽思困之杖履輕

上石龍永壽禪寺 在慈雲嶺下吳越王建舊名資賢大

中祥符間改今額咸淳元年改爲尼寺

咸淳志

天真禪寺 在龍山上吳越王建舊名登雲臺大中祥符

間改今額

咸淳志

成化間重建

武林志

法相律寺卽法相院

在南山

萬曆舊志

吳越王建舊名長耳

相宋大中祥符間改今額

咸淳志

寺有宗慧大師真身崇奉

焉

舊志

內有宗慧堂竹閣雲壑禪棲穎秀山房青蓮居種石

軒夢化日李長蘅畫壁

武林志

萬曆三十五年重修

錢塘縣志

國朝康熙五十三年殿燬重建

西湖志

樊良樞人日遊法相寺詩空山清寂迴藏春杖底風烟傍
客身濟勝百年誰是主登高此日又逢人華龕雲蔭松谿
冷石竇泉香竹開新且欲從君歸白社何妨載酒往來頻
屠隆法相寺詩長耳元非相忘形始悟心一燈懸普照
萬竹散清陰雲臥僧衣薄泉飛錫杖深未能獨世事聊爾
漦塵襟朱長春法相寺詩獨橋交野澗深寺足秋筠乘
興來遊客清言得上人窗虛過鳥影籠
古見禪身正坐高峯頂飛雲落酒巾

龍華禪寺 在龍山吳越王捨瑞萼園建仍造傳大士塔

大中祥符間改今額

咸淳志

舊名龍華寶乘院

西湖遊覽志

元末

燬明宣德年建

西湖志

靈鷲興聖寺

在合澗橋邊慧理法師卓錫之地吳越王

建名靈鷲大中祥符間改今額嘉熙間重建淳祐十二年

建靈山海會閣

咸淳志

樓林重修靈鷲寺記靈隱前天竺後介兩山間一蘭若曰靈鷲寶石洞前嵌空合流中分而兼有之考諸志實惟晉理法師卓錫之始理咸和初自西天來見茲山而驚曰是中天竺國靈鷲山之小嶺不知何年飛來佛在世日多爲仙靈所隱今此亦復爾耶迺披荆榛廼闢梵廬地以人顯至今岩以理名訪其塔猶在更唐表章至吳越尊尚國朝駐蹕隱竺之價日高而是刹幾蕪廢不治緇素愴焉嘉熙元年秋妙選吳僧行果主之越明年作山門易向而南明年兩廡成又明年觀堂成位置合宜事可則而物皆可久也雅觀窳修丹碧奪目規畫一出其手內外備矣始建丈室寶閣盡挹四山之秀間者樂施見者興敬于是靈鷲復粲粲余愛山水成癖坐冷泉憩香林屢嘗造其廬修鱗泳波茂樹當道徑窈窕橫真使人意消于烟霏空翠之表果北峯暮年之法子兄事古雲晦昂蓋有大過人者起廢細行也願力宏固有

開化寺

在龍山月輪峯

雲雪錄

吳越王就南果園建寺造

六和塔宣和燬紹興重建隆興二年賜額慈恩開化教寺

咸淳志嘉靖燬萬歷重修萬歷志卽六和塔院錢塘縣志

國朝雍正十三年奉

勅興建

西湖志纂

乾隆十六年

聖駕南巡

特幸寺中

御題額聯詩章二十二年至四十九年

御製開化寺詩恭紀卷首

南巡盛典

趙抃次韻趙少師題六和寺壁詩上方樓殿已幽深更向
諸峯勝處尋金羅池魚驚俗眼琴調山溜寫清音紅芝九
本初無種翠柏千株自有心衆美官師康且壽始知功德
積來陰蘇軾六和寺送張職方吉甫赴閩漕詩笑君超

然鸞鶴姿江湖欲下還飛去空使吳兒怨不留青山漫漫
七間路門前江水去掀天寺後清池碧玉環君不見大江
日千里我如此水千山底六和寺中師開山溪爲水軒
詩欲放清溪自在流忍教水雪落沙洲出山定被江湖淹
能爲山僧得少留錢惟善六和觀月詩招提高占月輪
峯樓閣清虛十二重秋憶天香飄古桂冷疑岩雪落長松
池光照夜鳴金鯽塔影橫空臥玉龍
聞道廣寒從此住竹房開處約飛筇

天華禪寺

在龍山

西湖志

吳越王建係鏡清禪師道場舊

名千春龍冊宋大中祥符中改今額

咸淳志

淳熙中有僧說

法墜天華故名

萬歷錢塘縣志

寺有願軒妙音樓化生池卽禁蛙

池禪師說法時叱蛙不鳴嘉靖重建

武林梵志

寶雲寺

在瑪瑙寺西錢氏建舊名千光王寺雍熙間改

今額

咸淳志

元至正末燬舊有寶雲菴清軒月窟澄心閣南

隱堂妙思堂雲巢樓皆不存

西湖志

蘇軾次寶雲菴僧仲殊雪中遊湖韻詩寶雲樓閣闌干門
林靜初無一鳥喧閉戶莫教風掃地捲簾疑有月臨軒水
光瀲灩猶浮碧山色空濛已斂昏乞得湯休奇絕句始知
鹽絮是陳言郭祥正寶雲寺詩有客學無心菴雲結寶
陰松風深夜起時作老龍吟

清修寺

在烟霞洞吳越王建舊名烟霞治平間改今額

洞石刻羅漢六尊錢別刻十二尊足成之寺久圯萬歷間

孫隆重建

成化舊志

俞德鄰南高峰烟霞山清修院化緣疏畧金仙出西竺國
挈日月以照三塗寶刹倚南高峰歛烟霞而分萬壑號爲
福地著在圖經曩因劫火燄焚頓使宗風寂寞雖收龜毛
兔角難葺蚊睫蟪蛄巢黃面老子若來有地也無樓泊處白
水真人肯出成功只在剎那間何愁風雨震凌圻看樓臺
尖兀見施樂施重興千載道場今生來生定獲諸天福報

張丹宿烟霞寺詩最奇象鼻石萬古自垂青豈台烟霞
相常懸薜荔形洞中搜石佛崖口覓松苓何日營雲屋朝
朝倚翠屏朱葵尊烟霞寺詩罍磴上招提不知幾十
級入厨覓泉枯過雨佛身濕石乳滴空嵌勢鬚龍象泣

保叔寺

在寶石山古名崇壽院

浙江通志

一名聖壽禪寺吳

越王相吳延爽建內有九級浮屠名應天塔亦名保叔塔

武林梵志

寶所塔塔院

西湖志纂

舊爲極樂菴

咸淳志

咸平中僧永保

修故名

武林舊事

元延祐中燬重建至正末燬

咸化舊志

宏治間僧

可勝重建正德九年又築西方殿于塔後挹涼亭于山下

嘉靖間僧永果重建

西湖遊覽志

佛殿左壁舊有王蒙畫海天

落照圖

六研齋筆記

寺前爲金牛護法院相傳湖中金牛隱此

湖山

便覽

張羽保叔塔院詩赤闌閒倚化人官湖上春陰望不窮百尺樓臺空相外萬家城郭雨聲中齋房漏滴蓮花水講殿經翻貝葉風自笑世緣心似石擬焚香炷問生公

保叔塔 吳越臣吳延爽請善導和尚舍利建浮屠九級

人稱爲寶塔咸平中僧永保誓修寶塔化緣城府十閱寒

暑市人咸以師叔稱塔院完人呼爲保叔塔至正末塔與

寺又燬僧慧炬先建寶塔殺二級爲七其地加廣次作佛

殿

崇壽院碑記

塔門舊有張卽之書湖山勝槩四字今移置淨

慈寺

西湖遊覽志

理安寺

在南山十八澗

西湖志

古涌泉禪院亦名法雨寺

吳越王建宋理宗爲祝國泰民安改名理安寺明宏治四

年廢萬歷甲午佛石禪師重建

理安寺志

有松頭閣且住閣符

夢閣

錢塘縣志

國朝康熙五十三年

聖祖仁皇帝發帑重建

賜理安寺額又

御書石磬正音四字并對聯二副

賜佛像大鐘洪器等皆內府製造雍正五年十一月住持僧實慧

奉

御書慈悲自在扁額恭懸藏經樓又

賜曹溪人瑞四字

御製對聯二副崇奉方丈

浙江通志

乾隆十六年二十二年二十七年

三十年四十五年四十九年

今上南巡

御製匾額詩章恭紀卷首

南巡盛典

王程登理安寺詩廢寺荒蕪幾百年師今結屋更安禪林
如支遁堪棲鶴社似廬山喜種蓮巖畔伐薪嘗易米石邊
接竹每供泉詩成盡是雲霞色不數清江興皎然李流
芳遊理安寺詩草深沙徑樵夫引苔厚石橋麋鹿行坐久
忽聞松籟響此心已敵鏡池清虎窟禪樓二十年飯
松煮石看雲眠人來聞道何須問領取泉聲竹色邊

延聖寺 在候潮門外吳越王建于清波門天聖初移今

所嘉定間于寺側建天妃殿明洪武中立爲叢林

舊志

妙靜寺

在定山北宋元祐中投子義青禪師闢山賜額

明陽寺建炎四年法成禪師重建更名妙靜慶元六年紹隆禪師重修元至正二十五年悔悟禪師重修洪武六年

太古義師重修

武林
梵志

接待寺 在湖墅左家橋西宋大觀間喻彌陀開山

咸淳
志

卽舊妙行寺彌陀飯僧至三萬衆故名接待院元季殷明宣德間建崇正九年復鼎新焉

國朝康熙二十六年僧性統重修四十二年

聖祖仁皇帝南巡

御書聖因二字復

賜御書心經一部心經塔一軸

浙江
通志

寺觀

聶大年遊妙行寺詩妙行禪寺夾城隈穀雨乾時偶獨來
一榻白雲松子落滿園黃蝶菜花開閒看物態陰晴變老
被鐘聲旦暮催客有可人期不至步隨斜日下蒼苔

永清寺

在永清塢薛大資昂香火院大觀間建

咸淳志

中

天竺之對爲永清塢正德間陳氏建庵塢中亦名永清

西湖志

遊覽

志

下天真寺

在龍山下高宗朝建明洪武永樂間重修成

化間重建

武林梵志

今爲勲賢祠

西湖志

治平寺

在錦塢西建炎初僧法聰建錦塢菴紹興二十

一年移請今額寺有閣面揖孤山扁曰烟雲

咸淳志

徐逸畫眼治平寺詩頻年遊覽不暫真野艇往來無水程
雨休最好是鷗浴風靜更清閑鷓鴣聲酒家新熟欠前帳僧

楊僧眼餘宿醒嵩高泰華
未掛眼鬢影蕭風難爲情

時思薦福寺 在石人嶺下紹興十四年詔改天竺靈山

寺爲時思薦福寺

釋氏稽古畧

有宜對樓通雲亭天池樓雙珠

亭萬玉軒元至正末燬明初重建復燬

西湖遊覽志

褒親崇壽教寺

在方家峪

西湖志

宋紹興十八年建

咸淳志

俗稱劉娘子寺劉賢妃父懋功德院

西湖遊覽志

寺有鳳皇泉

瑞應泉松雲亭觀音洞筆架池偃松交枝檜三門有陳公

儲畫龍

武林舊事

元時燬明正統重建

西湖志

楊萬里看劉寺芙蓉詩初約山寺遊漸爲怪奇石那知雲
水鄉化作錦繡國入門徑深深過眼秋寂寂隔竹小亭明
桐紅漏疎碧山僧引幽陵絕巘恣佳陟三步綺爲緯十步
錦作瑩爛如屏四圍搭如披五色滿山盡芙蓉山僧手所

植秋英側麗淡此花獨腴澤却憶補外時朝士作祖席花
間萬株梅冷射千巖石舊遊不可尋雪枝半荆棘樓鏤
劉寺卽事詩不到茲山二十年豈知重見舊山川烟深雖
不見湖水且看長空萬里天周密劉寺旂旌羽鸞納事
已空奉華遺寺對高松宮斜風
去無人見且看門前粉壁龍

護國仁王禪寺 在埽帚塢初慈開禪師休糧隱定于隆
興黃龍峯頂自是所至禱雨輒應孟少保珙爲捐金買地
建寺淳祐五年賜今額七年京師亢旱有旨宣入選德殿
演說雨隨至旣還山又遣內侍問何時霑足開對以寂然
不動感而遂通是夕雨如傾上大悅賜佛眼禪師錫資甚
渥寺後有龍洞澄深不可測八年鄭丞相清之躬禱而雨
賜護國龍祠額未幾錫封侯曰靈濟寶祐六年撥賜平江

官田三千畝

咸淳志

元至正末燬洪武初重建

西湖遊覽志

嘉靖

間重修

錢塘縣志

周文璞歸憩仁王寺詩重到招提未覺遲鉢單初副袷衣
時僧易齋院門門閉梅子枇杷樹樹垂蟻蔭經幢求託化
龍經佛座學慈悲長年無事
聞來此坐對空山諷小詩

寶德寺

在靈芝寺側法慧禪師開山楊和王存中舍地

創建請今額充三衙建散聖節道場

咸淳志

大慈禪寺

在包山俗稱包山寺

西湖遊覽志

乾道九年僧德

殊建接待院淳熙四年移請今額

咸淳志

普潤寺

在錢塘門外宋淳熙元年有成大師捨地以建

元末燬

咸淳志

萬歷戊申圓果禪師募化重新

武林梵志

南禪資福尼寺 在鮑家田尼惠果開山紹熙元年移請

今額景定五年更創佛殿

咸淳志

安剎建佛殿記高宗駐蹕錢塘西有湖爲羣山園浸成福地有鮑家田最幽阻閭寂以演佛之說爲宜自仁師者從開封來唯茲卓菴導其徒共地猶未寺也紹熙初有果師見謂克增光者會南禪勅賜資福寺以承嗣不任廢乃益自勵祈其額焉主比邱戒癘琴戶潔淨以樂宮掖向之無嫌礙嘉定壬午恭聖仁烈皇后洒翰錫之是名圓菴山門與額對映于是鮑田寺聲洞遠過緣法充斥而殿屋未颺厥惟弗稱今師德深曰殿以棲像將安之心遠甚獨早夜貶昔果鉢寸而圖之欽卷不跡權貴之門力役不强耕作之夫負大木礱密石者不督而程若出神授落成求予記之

開化尼寺 在赤山嘉泰三年妙智大師慧信開山請今

額寧宗御書寂菴二字

咸淳志

旌德顯慶寺

在小麥嶺嘉定初恭聖仁烈皇太后建充

功德院寧宗御書扁理宗益買田以賜凡三千畝有奇

咸淳

志

有雲扉軒清壑凝紫靜雲等亭

西湖遊覽志

極樂尼寺

在赤山清化路口尼僧德懃嘉定二年創小

菴淳祐五年移請今額

咸淳志

褒忠衍福寺

在棲霞嶺下元係智果觀音院嘉定十四

年撥充岳忠武功德院

咸淳志

宋末廢至元間重興之

西湖遊覽

志

洪武初正祀典卽寺之址建王廟祠

咸淳舊志

顯慈集慶講寺

在集慶山淳祐庚戌創建給賜貴妃閭

氏爲功德院

癸辛雜識

有三池九井月桂亭金波池

西湖志

元末

燬重建

成化舊志

仇遠集慶寺詩半生三宿此招提眼底交遊更有誰顧愷漫留金粟影杜陵忍賦玉華詩旋烹紫筍猶含籀自摘青梅未展旗聽徵洞簫清不寐月明正照古松枝

積慶教忠寺

在小麥嶺端平元年金樞密淵創建理宗

皇帝御書積慶山及藏書閣以賜又賜寺額曰積慶教忠

咸淳

志

嘉德永壽講寺

在葛嶺西虎頭岩宋理宗時秦國夫人

毛氏旣薨結庵于此卒就葬焉遂卽庵爲寺寶祐癸巳賜是額以夫人有柔嘉淑德之封號也明年有芝生墓側因名丈室爲芝岩前有放生池建堂于上曰翔泳有閣曰寶

莊嚴至正末燬洪武間重建

成化舊志

後改洪忠宣祠

西湖志

白堊翔泳堂酒中詩瓊辭度得雪見歌濃墨斜書碧玉柯醉折芙蓉薰酒盞裏湖涼似外湖多

安福尼寺

在赤山寶祐元年尼普隆創係錢湖門裏淨

居子院五年請今額

咸淳志

壽聖接待寺

在龍山下間頭寶祐二年醫僧保和大師

得寧建接待雲水請今額

咸淳志

保和寺

在龍山下間有鐵沙河水遶寺右流出官河宋

寶祐甲寅建至正元年重建嘉靖三十四年僧圓珍重修

萬歷二十七年僧寂誠重修

武林梵志

普福講寺

在胭脂嶺宋咸淳戊辰天台僧朋彌募郡人

鮑氏建凡八年而成以古廢院大普福扁請于朝爲十方

天台教院眉山家之巽爲記趙孟頫重書寺額至正末悉

燬重建

成化舊志

寺有芝雲臺

西湖遊覽志

有綠筠坡錫杖山葛仙

井辟芝塔瑞岡塢藥澗橋

國朝順治戊申重建

錢塘縣志

鄧文原寄住持無公詩淨土談元屢欵扉平生我亦悟
尼天台道在昆陵記虛阜神交惠遠師度嶺白雲飛錫處
散花清晝說經時西南峯下
龍泓路曾記山房舊賦詩

善慧禪寺 在玉厨山元延祐間伏虎岡禪師道塲

西湖遊覽

志

趙山寺

在西溪初名彌陀菴嘉靖間僧如性居之萬歷

中海雲購復長洲劉錫元更名曰大蘇林

西溪梵隱志

古法華寺 在西溪之東法華山下明隆萬間雲棲宏大

師以匡廬蓮社宗風大振東南雲間鄭昭服捨園宅爲常

住址在龍歸徑北約八畝有奇初號雲棲別室俗名鄭菴

崇正癸酉秋郡守龐公承寵給額稱古法華寺

西溪梵隱志

吳應賓古法華寺記畧古杭法華山有雲棲別院者乃雲間青蓮居士鄭昭服所施建也居士歸依蓮大師法名廣瞻雅發大願將昔所置樓房宅舍山場園林若干施與彌天之得爲布地之金大師命僧濟舟等居焉青蓮棄世其子文學食貧而此地不爲法華道場矣衆請之郡守龐公承寵捐金給額改爲古法華寺濟舟乞余言以紀其事

杭州府志卷二十九終